

Suljagić: Imamo zajedničku listu kao zajednički cilj

19/02/2014 23:42 by Administrator

Cijenimo da je ovo jedan veliki korak u pravcu zajedničke liste "kazao je koordinator Koalicije "Prvi mart" Emir Suljagić Agenciji Fena nakon sastanka koji je Koalicija organizirala u okviru pregovora o zajedničkom nastupu stranaka koje okupljaju povratnike, izbjegle i raseljene osobe na prostoru entiteta Republika Srpska za Predstavnički dom Parlamentarne skupštine BiH i Narodnu skupštinu RS-a.

Sastanku su prisustvovali predstavnici Stranke za BiH, Stranke demokratske akcije, Saveza za bolju budućnost BiH, Hrvatske stranke prava BiH, Stranke pravde i povjerenja, Posavske stranke, Stranke dijaspore BiH, Socijaldemokratske partije BiH i Socijaldemokratske unije BiH. - Mi jesmo na početku procesa, ali činjenica da su prvi put za stolje sve najrelevantnije političke stranke sa bosanskim predznakom govori da su rukovodstva tih stranaka kao i "Prvi mart" opredjeljena da stvari mijenjaju na izborima i kroz izbore, naročito položaj povratnika u entitetu Republika Srpska, položaj građana nesrpske nacionalnosti u entitetu Republika Srpska "kazao je Suljagić. Pred nama je, dodao je on, proces pregovaranja i dogovaranja oko te zajedničke liste, ali je ubjedljivo najvažnije da su svi tome pristupili u dobroj vjeri. - Politike i stranke koje se naizgled ne slažu ni oko čega drugog, uspjeli smo dovesti za jedan o temi tako važnoj kao što je ova, o nečemu što se temelji na vrijednostima i jako nam je drago zbog toga "kazao je Suljagić. Dodao je da će nastaviti da rade na ovome. - Idući put, kad budemo obavještavali javnost o tim stvarima, obavijestit ćemo o nekim vrlo konkretnim rezultatima. Mi smo i danas postigli neke rezultate, dogovorili neke, a o nekim ćemo nastaviti da dogovaramo, principe za formiranje zajedničke liste "kazao je Suljagić. Drago mi je, dodao je on, da su svi narodi, da su svi oni što su povratnici u entitetu Republika Srpska. - Sada je najvažnije ovo, svi su sjeli za isti sto, imamo zajedničku listu kao zajednički cilj i krenuli smo u jedan proces koji će na kraju rezultirati upravo time "smatra Suljagić. Na pitanje koliko bi zajednička lista bila bitna za povratnike u RS, Suljagić je odgovorio da bi to značilo da se ni jedna vlast, ni entitetska u RS-u, ni državna, ne mogu formirati bez političkih predstavnika povratnika u RS, "za to je golemo.

Izvor vijesti: oslobodjenje.ba, prvimart.ba